

**TEACHINGS ON THE MOUNTAIN. Blessed are the poor in spirit**

**Matthew 5:1-9**

**Lesson 14**

Memory verse: *“For he has looked at the humble state of his handmaid. For behold, from now on, all generations will call me blessed.”* Luc. 1:48

**INYIGISHO ZO K’UMUSOZI. Hahirwa aboro mu mitima yabo.**

**ICIRWA CA 14:**

**Matthew 5:1-9**

Umurongo ngenderwako: **Luke 1:48** << *Kuko yabonye guca bugufi kw’umusavyi wayo, kandi uherye ubu, abo ibihe vyose bazonyita umuhirwe*>>

**I. Intagamarara**

Amashirahamwe menshi yo mu bihugu biteye imbere ariko arakoresha amafaranga menshi muri iki gihe kugira bafashe abakene mu ntumbero yo kugira babone amahirwe; amahoro; umunezero, ...

Ivyirwa vyinshi n’abanditsi benshi baranditse kuri iki cirwa kivuga <<Amahirwe canke Amahoro ku muntu>> Ivyanditswe vyose mu ncamake basanga umuntu ahari yama arushye, atuntuye, azazaniwe, ababaye, ninde afise amahoro?

Umwanditsi Frankly yavuze ati: << Burya amahoro y’umuntu ava ku mahirwe agize canke ihinduka ryiza rimubayeko mu buzima. >> to happen = gushik(ir)a nukuvuga:happiness= amahirwe avana n’ibishikiye umuntu biba bimuhimbaye. Nico gituma umuntu yama yibaza ahari hose ati << Ese ni igiki kigiye kunshikira mu buzima, mu muryango, ku magara yanje...?>> ibi bituma anezerwa canke akababara.

Igihe cose umuntu aba yipfuzako yohora ashikirwa n’ivyiza gusa (kuronka ubutunzi, amagara meza, kuba mu cubahiro akemerwa n’abashoboka bese...) ariko siko vyama bigenda. Aha naho Yesu aboneka ariko arahindura ivyiyumviro vyabo. Imirongo ya << **3: Hahirwa aboro mu mitima yabo...4: Hahirwa abatuntuye....10: Hahirwa abahamwa....**>> abameze batryo mw’isi baboneka ari ababuraniwe.

Igihe Yesu yari arangije izi nyigisho, ishengero ritangazwa n'inyigisho ziwe. **Mat. 7:28** kubera iki? Mat.7:29<<**Kuko yabigisha nk'uwufise ububasha, ntase n'abanyabwenge b'ivyanditse babo**>>

## II. Kuronka amahirwe.

(Mat. 5:1-2). Abonye Ishengero, aduga umusozi. Amaze kwicara, abigishwa biwe baramwegera. Aherako aravuga arabigisha ati: <<**Hahirw aboro mu mitima yabo,kuko ubwami bwo mw'Ijuru ari ubwabo.**>> ijambo "umworo" rivuye mw'ijambo ry'ikigiriko 'ptochos' risobanura umunta ataba afise n'igiceri kimwe c'urufaranga kuri konti mw'ibanki canke mu mufuko. Mu gihe ca Yesu ryakoreshwa mu kwerekana abakene bageze aho bagacika abasegerereza "as poor as a beggar." Bene uyu biboneka ko aba akeneye imfashanyo kugira ashobore kubaho, kandi abayeho kubw'abandi bitabaye ivyo agapfa.

'Aboro mu mitima' bivuga ko mu muntu hama harimwo ikitagenda neza mu buryo bwo mu Mpemu akaba akeneye ubufasha kugira abe uwushitse. **Rom.7:18a** <<**Ndazi neza yuko muri jewe; mu kameremere kanje, ata ciza kimbamwo....**>> ubu bukene bwo mu Mpwemu igihe hoba hatabonetse ubutabazi biboneka ko bitonashoboka ko umwana w'umuntu azogera mw'Ijuru.

Umwanditsi Thomas Watson, yaranditse ati: << *Igihe cose uzokumva ko wihagije mu vy'Imana, ubuntu bw'Imana buzoba buri kure yawe*>>

Ijambo <<mu Mpwemu>> rijanye n'ivy'imbere mu mutiima w'umuntu Atari kubijanye n'ivy'umubiri. Ibwina mu mutima hama harasabiriza inguvu za Mpwemu. (Esay.b 66:2). << **Ariko umuntu w'impahazwa afise umutima umenetse; agahindishwa agashitsi n'ijambo ryanje, uwo niwo nzohozako ijisho**>> Uhoraho atabara bene abo bafise imitima imenetse.

## III. Gushira mu ngiro

Vyoba bimaze kugushikira ngo wumve umutima wawe ukubwira ngo: erega ndumva ntabereye imbere Y'Imana kandi ndipfuzwa ugutabarwa n'Uhoraho; numva nshaka imbabazi z'Imana? Iki nico kimenyetso ko uri umworo mu mutima wawe aho rero ukumva ko utari kure y'ubwami bw'Imana. Ubwami bw'ijuru ni ubw'aboro mu mitima yabo. Uri umuhirwe. **Luke 1:48** << **Kuko yabonye guca bugufi kw'umusavyi wayo, kandi uherye ubu, abo ibihe vyose bazonyita umuhirwe**>> Gucabugufi kwa Yesu kwadushikanye k'ubugingo budashira, nawe

uyu musi ni wemera ugaca bugufi ukumva ko uri umworo mu mutima wawe uraba umuhirwe imbere y'Imana kandi ingabire y'agakiza izoba iri mu biganza vyawe.

## THE GOSPEL THAT WORKS

Mat. 5:33-43 ; Mat. 7:24-28

### Lesson 27

Memory verse: “ *The things which you learned, received, heard, and saw in me: do these things, and the God of peace will be with you.*” Filipi 4:9

## UBUTUMWA BUKORA

Icirwa ca 27

Mat. 5:33-43 ; Mat. 7:24-28

Ijambo ry’urufatiro « *Ivyo mwize, vyo mwakiriye, ivyo mwumvise, abe ari vyo mukora niho Imana nyene amahoro izobana namwe* » | Filipi 4 :9

### I. Intangamarara

Yicaranye n’abigishwa biwe ku usozi ; Umwami Yesu ashirako ababwira ko uwuva inyigisho ziwe akazigendera ariwe munyabwenge. Yongerako ko uwumva ntayakore asa n’imbura bwenge. Yashaka kubabwira ko uwemerewe kubaho atiyumvira k’ubuzima bwiwe inyuma y’urupfu ari umusazi gusa. vyasabako uwugihema wese yibaza ico azoba inyuma y’urupfu rwiwe.

Biroroshe cane kwigisha amajambo y’Imana ukoresheje ivyanditswe mugihe uba waraciye mw’ishuri ukaba unabangutse. Ushobora kw’igisha ukuri, urukundo abo wigishije bakanezerwa cane n’inyigisho zawe. Iyo uramutse ubigisha umugambi w’Imana ku bantu bikabanyura. Ariko ico Imana agaciro ni ingene ubwawe ubishira mu ngiro. Uravuga ukuri. Ikibazo : warahevye ikinyoma ? Uri umwizigigwa mu kibano, mu kazi, mw’ishengero... ?

Kumenya ijambo ry’Imana si kugira ubwenge bwo mu mutwe canke ubuhinga bwo kuvyigisha. Kuba ubifise ni vyiza, ariko igikuru ni ukurishira mu ngiro mu buzima bwawe, ni ugakomeza imigenderanire n’Imana ku gatwe kawe.

### II. Kurahira.

Mu nyigisho za Yesu, yashimye gukebura abantu bakunda kurahira. Ababuza kurahira ikintu cose mu biri kw’isi canke mw’ijuru. Ibi ni kubera atanakimwe umuntu afiseko ububasha. Bimwe yabisanze kw’isi, ibindi bibaho abona ariko vyose azobuisigaho.

Mu gihe co kuza kwa Yesu mw'isi, yashikiye mu muryango wa Yuda, aha naho hari hasanzwe idini yabo (i sinagogi). Aha niho abantu bari basanzwe bigira amategeko, ivyagezwe vya Mose... ni ukuvuga vyamusaba ko yigisha inyigisho nshasha z'ubugingo buhoraho abigishwa biwe ; nabo bakazovyigisha abandi, nabo bakavyigisha abandi gushika agarutse gutrye gutrye **Mat. 28:20a <Mubigishe kwitondera ivyo nabageze, umve ndi kumwe namwe gushika ku muhero w'isi>**

### **III. Intambamyi mu gukurikiza inyigisho za Yesu kristo.**

Intambamyi nyamukuru mu kwitondera ivyo Yesu yihanikirije ni urusukirane rw'ivyiyumviroi bibera mu mutwe w'umuntu. umuntu arashobora kurwara akagera kure. Muri ico gihe ariyumvira ko ari ibikenewe ko yakira ingabire t'ubugingo budashira. Amaze gukira, hamuzamwo ivyiyumviro bishsasha akabiheba.

Nta wokura icaha kitabanje kuba muri we. Agishira mu ngiro cabanje kubakirwa mu mutima n'ubwenge vy'imbere muri we.

Igihe cose umuntu ariko ariyumvira ico akwiye gukora imbere y'ikibazo/ingorane, hategerezwa kumuzamwo ivyiyumviro vyeranda n'ivyiyumviro vy'umwiza. Birasaba nyene igikorwa ko aha umwanya Mpwemu Yera kugira abe ari we amurongora mu vvyiyumviro.

Igihe president wa Amerika Harry S. Truman vyamusaba ko afata ingingo yo gutera canke kureka amabombe ruhonyanganda mu buyapani igihe c'intambara ya 2 y'isi, mu 1945 ;vyaramugoye kuko kwemera kuzitera, yari ingingo yo guhonya amamiliyoni y'abayapani kandi hakazoguma imyuka y'ubumara mu kirere igihe c'imyaka myishi, kubireka naho, intambara y'isi yose ntiri burangire vuba abantu hafi isi yose bazokomezaga gupfa, ubutunzi buhombe, abasirikare biwe n'ibirwanishwa uko nyene kuko abayapani bari bageramiye isi cane n'ibitero vy'indege zabo n'abiyahuzi bo kurwego rwo hejuru. Ari wewe waca umuhanura iki ? Abahanuzi biwe ntibigeze babihurizako. wenyene ahitamo kuzitera ; abi Yeroshima ni Nakasaki baratikira.

#### **IV. Gushira mu ngiro**

Ibihugu n'imiryango myishi yo kw'isi yamaze imyaka myishi itazi ukuri kw'Ijambo ry'Imana. Yesu yaraje yigisha icese ico umuntu akwiye gukurikiza kugira azorarwe ubugingo. Ni ku gatwe k'umuntu ubwiwe wo kwemera kumva no gukora ico Umwami yihanikirije. Suzuma ivyiyumviro binyaruka mu mutwe wawe aho bizogushikana uce ufata ingigo k'ubuzima bwawe.